

Consolidación e estruturación de unidades de investigación competitivas e outras accións de fomento

Programa: Consolidación e estruturación de unidades de investigación competitivas e outras accións de fomento.

Data de publicación no DOG: próxima publicación.

Prazo de presentación de solicitudes: un mes contado a partir do día seguinte á de publicación no DOG.

Códigos dos procedementos:

- ED431C: Modalidade A – Grupos de referencia competitiva (GRC)
- ED431B: Modalidade B – Grupos con potencial de crecemento (GPC)
- ED431F: Modalidade C – Proxectos de excelencia

Cal é o obxecto destas axudas?

Axudas para consolidar, estruturar e especializar as unidades de investigación máis competitivas do Sistema galego de I+D+i mediante as seguintes modalidades:

- **Modalidade A:** Grupos de referencia competitiva (**GRC**). Axudas para a consolidación de grupos de investigación que pola súa produción científica e a súa actividade de I+D constitúan unha referencia no Sistema galego de I+D+i.
- **Modalidade B:** Grupos con potencial de crecemento (**GPC**). Axudas para a consolidación de grupos de investigación que pola súa produción científica e a súa actividade de I+D amosan potencial de crecemento ata converterse en grupos de referencia do sistema de I+D+i galego.
- **Modalidade C:** Proxectos de excelencia. Axudas para a realización de proxectos de investigación a investigadores ou investigadoras individuais que, contando cunha traxectoria excelente consolidada ou en formación, teñen que afianzar unha liña de traballo baseada en proxectos de alto impacto fundamentalmente nos ámbitos nacional e internacional.

Quen pode solicitar estas axudas?

As universidades do Sistema Universitario de Galicia (SUG) presentarán a súa solicitude ante a Secretaría Xeral de Universidades da Consellería de Cultura, Educación e Universidade.

Novidades desta convocatoria (con respecto á convocatoria 2020)

- Engadiuse no artigo 2.a como investigador o *persoal contratado nos programas de atracción e retención de talento da Consellería de Cultura, Educación e Universidade da Xunta de Galicia*.
- Especificase no artigo 5.3 Conceptos subvencionables “*A adquisición de material bibliográfico ten que ser proporcionada e limitada ás dotacións necesarias para a consulta do grupo. Non se considerará nesta epígrafe o persoal colaborador externo do grupo*”.
- Especificase no artigo 5.8 Conceptos subvencionables “*Toda adquisición de equipos informáticos (hardware y software) e de recursos tecnolóxicos deberá ter a súa xustificación en función dos requirimentos técnicos para a execución ou obxectivos dos proxectos nos que participa o grupo e será proporcionada ao tamaño do grupo. Non é gasto elixible o software ofimático e/ou de uso xeral*”.
- Engadiuse no artigo 11 “*En caso igualdade de puntuación na modalidade C, proxectos de persoal investigador con traxectoria excelente, aplicaranse os seguintes criterios de desempate: 1º O proxecto de investigación que obteña maior puntuación na valoración da calidade científico-técnica do proxecto (anexo V, criterio A) 2º O proxecto de investigación que obteña maior puntuación na valoración da viabilidade do proxecto (anexo V, criterio B) 3º O proxecto de investigación que obteña maior puntuación na valoración da capacidade científico-técnica do equipo de investigación para a realización do proxecto (anexo V, criterio C)*”
- Cabe destacar o especial incremento na dotación das axudas para a modalidade A e modalidade C con respecto á convocatoria do ano 2020

Tipo e intensidade das axudas

- Tipo de convocatoria: convocatoria en réxime de concorrencia competitiva.

Convocatoria 2020	Convocatoria 2021
<ul style="list-style-type: none"> • Orzamento total: 14.920.000,00 € • Total universidades do SUG – 12.710.000,00 €. <ul style="list-style-type: none"> ○ Modalidade A.- GRC – 7.000.000,00 € ○ Modalidade B.- GPC – 4.500.000,00 € ○ Modalidade C.- Excelencia: 1.210.000,00€ 	<ul style="list-style-type: none"> • Orzamento total: 23.879.616,00 € • Total universidades do SUG – 19.859.616,00 €. <ul style="list-style-type: none"> ○ Modalidade A.- GRC – 15.484.616,00 € ○ Modalidade B.- GPC – 2.250.000,00 € ○ Modalidade C.- Excelencia: <ul style="list-style-type: none"> ○ Liña traxectoria consolidada – 400.000,00 € ○ Liña traxectoria emerxente – 1.725.000,00 €

Importe das axudas

O importe máximo das axudas concedidas será o seguinte:

- **Modalidade A (GRC)** : O importe global da axuda distribuirase en catro anualidades e virá determinado por un módulo estrutural anual composto dun fixo de 25.000 € máis un variable máximo de 25.000 € tendo en conta os ingresos medios do grupo, e un

módulo variable anual, dun máximo de 50.000 € (20.000, 30.000, 50.000 €), acumulable o anterior, en función dos ingresos anuais medios do grupo no período comprendido desde o 1 de xaneiro de 2018 ao 31 de decembro de 2020.

- **Modalidade B (GPC)** : As axudas serán de aplicación por un período de 3 anualidades, mediante o pagamento dunha contía máxima de 20.000 € na primeira e de 35.000 € na segunda e terceira.

- **Modalidade C:**

Proxectos de excelencia – Liña de traxectoria investigadora consolidada. No caso dos proxectos que se acollan á liña de traxectoria investigadora consolidada, as axudas serán de aplicación por un período de ata 4 anualidades, mediante o pagamento anual á institución á que pertenza a persoa que lidere o proxecto dunha contía máxima anual de 50.000 €.

Proxectos de excelencia – Liña de traxectoria investigadora emerxente

No caso dos proxectos que se acollan á liña de traxectoria investigadora emerxente, as axudas serán de aplicación por un período máximo de ata 5 anualidades, mediante o pagamento anual á institución á que pertenza a persoa que lidere o proxecto dunha contía máxima anual de 15.000 € para o ano 2021 e de 25.000 € para os anos 2022, 2023, 2024 e 2025.

A onde acudir?

Consellería de Cultura, Educación e Universidade
Secretaría Xeral de Universidades
Subdirección Xeral de Promoción Científica e Tecnolóxica Universitaria
Servizo de Planificación e Estruturación da Investigación
San Caetano, s/n 15781 - Santiago de Compostela
Email: promocioncientifica.educacion@xunta.gal

Documentación e ligazóns

- [Texto da convocatoria \[próxima publicación no DOG\]](#)